

AL PREMIO LETTERARIO MONTANARU (DESULÒ 1992)

4

1

De Montanaru Desulo ses Mama
 Da sempre collocada in cussa costa
 Chi sos turistas bi enini apposta
 Ca de ti visitare tenen brama
 E apprezzan su tou panorama
 Si lis capitad puru faghen sosta
 Organizende festinos, e pranzos
 Siana sardignolos o istranzos.

2

In dogni tempus visitan'a tie
 Incantu de mannos e minores
 Tinta sa terra de milli colores
 Chi ses de apprezzare not'e die
 In s'ieru biancu po su nie
 In'istiu fozas, frutas e fiores
 Chi faghene incantare sas pessones
 Cun su belidu de elveghe e anzones.

3

Sas meraviglias tuas sunu tantas
 Visitende inie sos padentes
 Paren tottu sos logos eccellentes
 Ornamentadu dae sas piantas
 Cun cussu logu a tottus incantas
 Cun sas perennes abbas e sorgentes
 Tantu in s'ieru comente in s'istiu
 Chi paret chi su mortu torred biu.

4

Tue Desulo ses paisu raru
 A fagher dogni cosa ti ses dadu
 Poi as Che Firenze meritadu
 In sinu tou coronas de laru
 Po su semplice tou Montanaru
 Una fama imortale ti at lassadu
 Onorendelu tottu custa zente
 Paret chi siada ancora vivente.

5

T'auguro felice un'avenire
 Da como in susu chi potas passare
 S'unu a s'ateru de bos'istimare
 E potedas continu pogredire
 Sos Desulesos ancor'a naschire
 In tottue los potana ammirare
 Boghende fama ona in dogni logu
 Che i sa fama de tiu Antiogu.

=====

Pseudonimo

Desulo tribaglias e tispassas
 Però faghedi onore inue passas.

CARTA MICHELE
 CARBONIA